

auditis eius peccatis non reservatis, ab eis  
 eum Sacramentaliter absoluat. Et consequen-  
 ter dicunt, quod dictus penitens duo recipit  
 Sacramenta, vnum a Superiore alterum ab  
 inferiori, & quod dictus Superior potest iure  
 optimo hanc facere diuisionem, sicut faciunt  
 Pape Penitentiarij. At Doctissimus Pater E-  
 manuel art. 6. q. citata, contrariam opinionem  
 secundum Diuinam Theologiam verio-  
 rem existimat. Scilicet, dictum Superiorem eam  
 diuisionem facere minime posse, & sic ne-  
 cessario debere audire peccata reservata &  
 non reservata, prout tenent Ledesma. 2. 4. q.  
 art. 8. dub. 3. Conc. 5. Durand. in 4. dist. 17.  
 q. 15. Siluest. ver. Confessio. 1. q. 19. Adria. q. 4.  
 de Confessione §. 7. sed dubium. Vi&. de  
 Confes. nu. 162. Et fundamentum huius opi-  
 nionis est: quia integritas Confessionis est  
 de iure diuino, in quo dictus Superior mini-  
 me potest dispensare, nulla presertim exi-  
 stente necessitate, cum ipse Superior possit  
 remittere suum subditum ad Confessorem  
 inferiorem cum auctoritate, vt ipsum ab  
 omnibus absolueret possit. Et dato quod Pre-  
 latus velit extra Confessionem scire peccata  
 reservata ipsius penitentis, remittendo ab-